



朱興  
王震書



孟河丁氏醫案卷三

武進孟河丁澤周甘仁著

男

元

彥

彙

錄

孫

濟

萬

編

訂

濟

華

校

讐

濟

民

中風案

羅左

年甫半百。陽氣早虧。賊風入中經。營衛痺塞不行。陡然跌仆。成中舌強。不語。神識似明似昧。嗜臥不醒。右手足不用。風性上升。痰濕隨之。阻於廉泉。堵塞神明也。脈象尺部沉細。寸關弦緊而滑。苔白膩。陰霾瀰漫。陽不用事。幸小洩未遺。腎氣尚固。未至驟見脫象。亦云幸矣。急擬仲聖小續命湯加減。助陽祛風。開其痺塞。運中滌痰。而通絡道。冀望應手。始有轉機。

淨麻黃四分

熟附片一錢

川桂枝八分

生甘草六分

全當歸三錢

川芎八分

姜半夏三錢

光杏仁三錢

生姜汁一錢冲服  
淡竹瀝一兩冲服

另再造丸一粒去殼研細末化服

二診 兩進小續命湯。神識稍清。嗜寐漸減。佳兆也。而舌強不能言語。右手足不用。脈息尺部沉細。寸關弦緊稍和。苔薄膩。陽氣本虛。藩籬不固。賊風中經。經膈痺塞。痰濕稽留。宗氣不得分布。故右手足不用也。腎脈絡舌本。脾脈絡舌傍。痰阻心脾之絡。故舌強不能言。靈機堵塞也。雖見小效。尚不敢有恃無恐。再擬維陽氣以祛邪風。滌痰濁而通絡道。努力前進。以觀後效。

熟附片一錢

雲茯苓三錢

川桂枝八分

姜半夏二錢

生甘草六分

枳實炭一錢

全當歸二錢

光杏仁三錢

大川芎八分

灸疆蠶二錢

生姜汁一錢冲

淡竹瀝一兩冲

三診 又服三劑。神識較清。嗜寐大減。略能言語。陽氣有流行之機。濁痰有克化

之漸是應手也。惟右手足依然不用。腑氣六七日不行。苔膩。脈弦緊漸和。尺部沉細。腎陽早虧。宗氣不得分布。腑中之濁垢。須陽氣通。而後能下達。經腑之邪風。必正氣旺。始托之外出。仍擬助陽益氣。以驅邪風。通胃滌痰。而下濁垢。腑氣以下行為順。通腑亦不可緩也。

生黃耆三錢

桂枝八分

附子一錢

生甘草五分

當歸三錢

川芎八分

雲茯苓三錢

風化硝五分

全瓜蒌三錢

枳實炭一錢

淡菴蓉三錢

半硫丸錢半吞服

四診 腑氣已通。濁垢得以下行。神識已清。舌強言語未能自如。右手足依然不用。脈弦緊轉和。尺部沉細。陽氣衰弱之體。風爲百病之長。陽虛之邪風。卽寒中之動氣。陽氣旺一分。邪風去一分。濕痰盤踞。亦藉陽氣充足。始能克化。經所謂陽氣者。若天與日。失其所。則折壽而不彰。理有信然。仍助陽氣。以祛邪風。化濕痰。而通絡道。循序漸進。自獲效果。

生黃耆五錢

生白朮二錢

生甘草五分

熟附子一錢

桂枝八分

全當歸三錢

川芎八分

姜半夏三錢

西秦艽二錢

淮牛膝二錢

嫩桑枝三錢

指迷茯苓丸五錢包

服前方諸恙見輕。仍守原法擴充。生黃耆用至八錢。間日用鹿茸二分。研細末。飯為丸。陳酒吞服。大活絡丹。每五日服一粒。去殼研末。陳酒化服。共服六十餘帖。舌能言。手能握。足能履。接服膏滋方。藥味與煎藥彷彿。以善其後。

沈左

年逾古稀。氣陰早衰。於未病之先。舊有頭痛目疾。今日陡然跌仆。成中舌強不語。人事不省。左手足不用。舌質灰紅。脈象尺部沉弱。寸關弦滑而數。按之而勁。良由水虧不能涵木。內風上旋。挾素蘊之痰熱。蒙蔽清竅。堵塞神明出入之路。致不省人事。痰熱阻於廉泉。為舌強不語。風邪橫竄經腠。則左手足不用。金匱云。風中於經。舉重不勝。風中於腑。即不識人。此中經兼中腑之重症也。急擬育陰熄風。開竅滌痰。冀望轉機為幸。

大麥冬三錢

元參二錢

羚羊片八分先煎汁冲

仙半夏二錢

川貝二錢

天竺黃錢半

明天麻八分

陳膽星八分

竹茹錢半

枳實一錢

全瓜蒌四錢切

嫩鈎鈎三錢後入淡竹瀝一兩冲

生姜汁二滴冲

至寶丹一粒去壳研末化服

二診 兩投育陰熄風開竅滌痰之劑。人事漸知。舌強不能言語。左手足不用。脈尺部細弱。寸關弦滑而數。舌灰紅。高年營陰虧耗。風自內起。風擾于胃。胃為水穀之海。津液變為痰涎。上阻清竅。橫竄經膈。論恙所由來也。本症陰虛。風燭堪慮。今仿河間地黃飲子加味。滋陰血以熄內風。化痰熱而清神明。風靜浪平。始可轉危為安。

大生地四錢

大麥冬二錢

川石斛三錢

羚羊片四分先煎汁冲

仙半夏二錢

明天麻一錢

左牡蠣四錢

川貝母三錢

陳膽星八分

炙遠志一錢

九節菖蒲八分

全瓜蒌四錢切

嫩鈎鈎三錢後入淡竹瀝一兩冲服

三診 疊進育陰熄風清熱化痰之劑。人事已清。舌強言語蹇澀。左手足依然不用。苔色灰紅。脈象弦數較靜。尺部細弱。內風漸平。陰血難復。津液被火煉而為痰。痰為火之標。火為痰之本。火不靜則痰不化。陰不充則火不靜。經膈枯澀。猶溝渠無水以貫通也。前地黃飲子既獲效機。仍守原意進步。然草木功能。非易驟生有情之精血也。

西洋參 錢半

大麥冬 三錢

大生地 三錢

川石斛 三錢

生左牡蠣 四錢

煨天麻 八分

竹瀝 半夏二錢

川貝 三錢

炙遠志 一錢

全瓜蒌 四錢切

鮮竹茹 二錢

嫩鈎鈎 三錢後入黑芝蔴三錢

四診 神識清。舌強和。言語未能自如。腑氣行而甚暢。痰熱已有下行之勢。左手足依然不用。脈弦小而數。津液虧耗。筋無血養。猶樹木之偏枯。無滋液以灌溉也。仍議滋下焦之陰。清上焦之熱。化中焦之痰。活經膈之血。複方圖治。尙可延年。

西洋參 錢半

大麥冬 二錢

大生地 三錢

川石斛 三錢

生左牡蠣 四錢

仙半夏二錢

川貝三錢

全瓜蒌四錢切

厚杜仲二錢

懷牛膝二錢

西秦艸二錢

嫩桑枝三錢

黑芝麻三錢

祁媼

中風延今一載。左手不能招舉。左足不能步履。舌根似強。言語蹇澀。脈象

尺部沉細。寸關濡滑。舌邊光苔薄膩。年逾七旬。氣血兩虧。邪風入中經。膈營衛痺塞不行。痰阻舌根。故言語蹇澀也。書云。氣主煦之。血主濡之。今宜益氣養血。助陽化痰。兼通絡道。冀望陽生陰長。氣旺血行。則邪風可去。而濕痰自化也。

潞黨參三錢

生黃芪五錢

生於朮二錢

生甘草六分

熟附片八分

川桂枝五分

全當歸三錢

大白芍二錢

大川芎八分

懷牛膝二錢

厚杜仲三錢

嫩桑枝四錢

紅棗十枚

指迷茯苓丸四錢包

此方服三十劑。諸恙均減。後服膏滋。得以收効。

李媼

舊有頭痛眩暈之恙。今忽舌強不能言語。神識似明似昧。手足弛縱。小溲

不固。脈象尺部細小。左寸關弦小而數。右寸關虛滑。舌光紅。此陰血大虧。內風上

擾痰熱阻絡。靈竅堵塞。中風重症。急擬滋液熄風。清神滌痰。甘涼濡潤。以冀挽救。

大麥冬 三錢

大生地 三錢

川石斛 三錢

左牡蠣 四錢

生石決 四錢

煨天麻 八分

川貝 三錢

炙遠志 一錢

天竺黃 錢半

竹瀝半夏 錢半

鮮竹茹 錢半

嫩鈎鈎 三錢後入淡竹瀝一兩沖服

珍珠粉 二分沖服

此方服十劑。諸恙已輕。原方去竹瀝。珠粉。天竹黃。加西洋參錢半。阿膠珠錢半。

黎左 二年前右拇指麻木。今忽舌強。語言蹇澀。右手足麻木無力。脈象虛弦而

滑。舌苔薄膩。此體豐氣虛。邪風入絡。痰阻舌根。神氣不靈。中風初步之重症也。急

擬益氣去風。滌痰通絡。

生黃芪 五錢

青防風 一錢

防己 二錢

生白朮 二錢

全當歸 二錢

大川芎 八分

西秦艸 錢半

竹瀝半夏 二錢

枳實炭 一錢

炒竹茹 錢半

炙僵蠶 三錢

陳膽星 八分

嫩桑枝 三錢

再造丸 一粒去壳研細末化服

五劑後恙已見輕。去再造丸。枳實。加指迷茯苓丸三錢吞服。

風治法。大抵溫陽。  
 氣滋陰補血。  
 風通流化痰。  
 如地黃飲子。小  
 液命湯。如此  
 證之要方。

廖左 體豐氣虛。濕勝痰多。陡然跌仆。成中不省人事。小溲自遺。喉中痰聲漉漉。汗多脈伏。身熱肢冷。此本實先撥。真陽飛越。氣血渙散。樞紐不交。雖曰中臟實暴脫也。勉擬一方。聊盡人工。

別直參三錢 熟附子塊三錢 淡竹瀝二兩 生姜汁一錢同沖

如手足不用。當重用黃芪。仿醫林改錯法。

西醫云。為腦貧血。腦充血。由種。治法以參芪歸身行氣補血。另加育陰熄風。石等。貧血宜加用升藥。如升麻。柴胡。充血宜加用降藥。如川牛膝。生赭石等。貧血証。面白脈細。呼吸氣微。充血証。面紅脈數。呼吸氣粗。痰聲漉漉。



孟河丁氏醫案卷三

類中案

嚴左 右手足素患麻木。昨日陡然舌強不能言語。診脉左細弱。右弦滑。苔前光後膩。此乃氣陰本虧。虛風內動。風者善行而數變。故其發病也速。挾痰濁上阻。廉泉橫竄絡道。營衛痺塞不通。類中根苗顯著。經云邪之所湊。其氣必虛。又云虛處受邪。其病則實。擬益氣熄風化痰通絡。

吉林參鬚 一錢另煎汁冲服

雲茯苓 三錢

炙僵蠶 三錢

陳廣皮 一錢

生白朮 錢半

竹節白附子 一錢

炙遠志肉 一錢

黑稽豆衣 三錢

竹瀝半夏 一錢

陳膽星 八分

九節菖蒲 八分

姜水炒竹茹 錢半

嫩鈎鈎 三錢後入

二診 舌強蹇于語言。肢麻艱于舉動。口乾不多飲。舌光絳中後乾膩。脈象右細

弱左弦滑。如昨診狀。心開竅於舌。腎脈絡舌本。脾脈絡舌旁。心腎陰虧。虛風內動。挾痰濁上阻廉泉。先哲云。舌廢不能言。足痿不良行。即是瘖痺重症。再仿地黃飲子意出入。

大生地三錢

雲茯苓三錢

陳膽星八分

九節菖蒲一錢

川石斛三錢

竹瀝半夏二錢

川象貝各二錢

炙遠志一錢

南沙參三錢

煨天麻八分

炙僵蠶三錢

嫩鈎鈎三錢後入

三診 昨投地黃飲子加減。脈症依然。并無進退。昔人云。麻屬氣虛。木屬濕痰。舌強艱言。亦是痰阻舌根之故。腎陰不足是其本。虛風痰熱乃其標。標急於本。先治其標。標由本生。緩圖其本。以養陰之劑。多能助濕生痰。而化痰之方。又每傷陰劫液。顧此失彼。煞費躊躇。再擬滌痰通絡為主。而以養正育陰佐之。為急標緩本之圖。作寓守於攻之策。能否有效。再商別途。

南沙參三錢

雲茯苓三錢

川象貝各二錢

西秦朮錢半

竹瀝半夏二錢

炙遠志一錢

炙殭蠶三錢

枳實炭一錢

煨天麻八分

廣陳皮一錢

陳膽星八分

嫩鈎鈎三錢

後入九節菖蒲一錢

淡竹瀝一兩生薑汁兩滴全冲服

四診 脈左細滑右濡數。舌中剝苔薄膩。諸恙均覺平和。養正滌痰。通利節絡。尚

屬獲效。仍宗原法再進一籌。

前方去秦艽枳實加焦穀芽四錢。指迷茯苓丸四錢包。

五診 舌強言語蹇澇已見輕減。左手足麻木依然。脈象細滑。舌苔薄膩。投劑合

度。仍擬滌痰通絡為法。

照前方去煨天麻焦穀芽。指迷茯苓丸加生白朮二錢。

雲茯苓三錢

竹節白附子八分

鍾左類中舌強不能言語。神識時明時昧。苔薄膩。脈弦小而滑。尺部無神。體豐

者。氣本虛濕勝者。痰必盛。氣陰兩耗。虛風鼓其濕痰。上阻廉泉之竅。症勢頗殆。舍

熄風潛陽。清神滌痰。不為功。

生白芍 三錢

雲茯苓 三錢

陳胆星 八分

九節石菖蒲 一錢

滁菊花 三錢

煨天麻 八分

川象貝 各二錢

蛇膽陳皮 三分

生石決 一兩

竹瀝半夏 三錢

炙遠志 一錢

嫩鈎鈎 三錢後入淡竹瀝 一兩五錢生薑汁兩滴全沖服

錢左

類中偏左半體不用神識雖清舌強言蹇咬牙嚼齒牙縫滲血呃逆頻仍

舌絳脉弦小而數諸風掉眩皆屬於肝陰分大傷肝陽化風上擾肝風鼓火內煽

痰熱阻於廉泉之竅肺胃肅降之令不行恙勢正在險關勉擬地黃飲子合竹瀝

飲化裁挽墮拯危在此一舉

鮮生地 四錢

川石斛 三錢

瓜蒌皮 二錢

柿蒂 十枚

大麥冬 二錢

抱茯神 三錢

生蛤壳 六錢

老枇杷葉 四張

西洋參 錢半

川貝母 二錢

鮮竹茹 三錢

嫩鈎鈎 三錢後入

活蘆根 一尺去節淡竹瀝 一兩

真珍珠粉 一分

真猴棗粉 一分二味謹服

顧左

疥瘡不愈溼毒延入經絡四肢痿軟不能步履痰溼阻於廉泉舌強不能

言語口角流涎。脾虛不能攝涎也。內經云。溼熱不攘。大筋軟短。小筋弛長。軟短爲拘。弛長爲痿。此證是也。恙久根深。蔓難圖治。姑擬溫化痰溼。通利節絡。以漸除之。

潞黨參二錢

仙半夏二錢

陳膽星八分

木防己三錢

生白朮一錢

陳廣皮一錢

西秦艸二錢

全當歸二錢

竹節白附子一錢五分

炙甘草五分

陳木瓜二錢

紫丹參二錢

酒炒嫩桑枝四錢

指迷茯苓丸五錢包

董左

心開竅於舌。腎脉絡舌本。脾脉絡舌旁。外風引動內風。挾溼痰阻于廉泉。

橫竄絡道。右半身不遂已久。邇來舌強不能言語。苔薄膩。脉弦小而滑。類中風之

重症。姑宜熄風滌痰。和營通絡。

左牡蠣四錢

硃茯神三錢

炙僵蠶二錢

淡竹瀝一兩五錢 生姜汁二滴沖服

花龍骨三錢

炙遠志肉一錢

陳膽星八分

川象貝各二錢 仙半夏二錢

枳實炭一錢

西秦艸二錢

煨天麻八分

嫩鈎鈎三錢後下

金左 氣陰本虧。外風引動內風。挾濕痰上阻廉泉。橫竄絡道。陡然右手足不用。舌強不能言語。神識時明時昧。口乾欲飲。舌質紅苔薄膩。脉虛弦而滑。類中重症。急宜熄風潛陽。清神滌痰。

西洋參 一錢五分 硃茯神 三錢

煨天麻 八分

生石決 八錢

大麥冬 二錢

竹瀝半夏 二錢

炙僵蠶 三錢

炙遠志肉 一錢

川石斛 三錢

川貝母 二錢

嫩鈎鈎

三錢後入 鮮石菖蒲 一錢

淡竹瀝 一兩

真猴棗粉 二分冲服